

敬業堂詩集

八



敬業堂詩集卷二十七目錄

過夏集

三月三日同園修禊分韻得餐字

題宋山言學詩圖二首

白丁香次韻三首

愷功侍讀惠宣德紙走筆

謝之二首

戲題陳叔毅桃葉渡江圖

小照一首

再次家荊州兄咏白丁香

韻二首

上已後五日再過同園看

花賦贈胡翔菴四首

湯西厓編修寓庭丁香花下作三首

題同年汪東山南浦送行圖時余下第將歸

偕荊州兄過一莖菴飲香林亭下次韻四首

再過西厓同元朗無功文子作

無功索題蕪葭書屋圖用東坡寄傲軒韻

題錢朝采設色花

廉讓寓齋送春分韻得有

字

與朱悔人京口一別十二

年矣今春相見京師讀其遊注廬武當兩集喜
而有作

同朱悔人劉大山魏禹平

錢亮功馮文子方靈臯吳山峯汪武曹諸子飲

徐尚書碧山堂花下分韻得曹字

同悔人禹平雪坪崑繩文子武曹亮功集黃岡王

副相書齋雪坪有詩余繼和

三月晦日李寅谷招同人怡園雅集分韻得登字

方拱樞徐學人招集竹林僧房用昌黎短燈繁歌

韻各賦一首

吳西齋農部次前韻見貽

結語云有才如此長淪棄再疊韵答之

三疊前韻酬劉若干侍御

四疊前韻答錢亮功 題梅雪坪小照

西厓自編修改授刑垣三首

陳六謙出示漢唐以來諸石刻同張超然林吉人

朱北山項霜田家潤木分韻得氣字

淮南宋射陵先生及陸太君八十雙壽詩

爲楊次也題周蕪畫 題高吳亭怡怡園

題江陰周氏女郎設色草花

荊州兄移寓懶眠衡籬落林亭頗饒幽致留余
過夏歸計未成三章遣興并索西厓西齋共和
之

慕廬先生原韻

題西齋圖二首圖爲王石

谷作

苦雨六章

立秋日喜霽同九恒早過西厓是夕再同九恒西
厓飲康貽寓用立秋二字各賦二首

自中元前出都舟行無詩八月初三夜渡黃河偶
爾得句索同年徐貢璠和

送女詞二首

秋杪重至王家營次楊次

也壁間韻

治河謡

即目

霜殺草

旅舍落一齒自嘲二首

白楊

德州道上咏霧淞花

景州董子祠

大風商家林待渡

奉題阮亭先生倚杖圖

除夕過西厓齋西厓與悔人赤抒方分韻賦詩余
以事先行續和一首

敬業堂詩集卷二十七目錄 終

卷之二

三

敬業堂詩集卷二十七

海寧查慎行悔餘

過夏集

盡庚辰
一年

三上南宮今復報罷家編修兄留余下榻暫緩歸期唐時舉子落第者六月後不出謂之過夏故以名集而秋冬道路之作并附錄焉

三月三日同園修禊分韻得養字

主人為胡循齊觀察

東風如故人隨我杖藜往紛紜閱花市過眼多塵埃小憇得同園初欣天氣朗主人天下士愛客致羅網及闔謁未入命僕駕先枉爛熳呼朋儕殷勤話疇曩一官棄唾涕萬事付豪爽大阮亦勝流投閒攜几杖謂令叔翔菴藥

欄桃李徑拱把手培養先開委空枝密布無隙壤可憐

芙蓉杏作態媚幽賞那知白髮翁分絕探花想八年三

見黜得失同反掌當筵猶矯操所見胡不廣此生竿木

場著屐知幾兩作詩記陳迹即景成俯仰

元方輿勝覽
大興府海雲

寺有千葉杏二株名芙蓉杏張叔夏見之爲填三姝媚詞園中有此花故云

題宋山言學詩圖二首

宗武學能傳杜老小坡才可繼眉山添他一卷中州集
知已無如父子間

從今不信廬陵語窮乃工詩豈定評看取風流宋公子
才名已占又科名

白丁香次韻三首

絕代人宜空谷幽幽香愛傍玉搔頭憑誰爲解梢梢結
減我東欄向夕愁

昌谷詩亂結丁香梢滿欄花向夕義山詩芭蕉不展丁香結同向春風各

自愁

滿城風雨滿天風滿地狂花只取紅獨向枝頭賞冰雪
莫欺老眼太朦朧

粉墨何當點作圖畫家真色自應殊依稀寒食梨花榭
月底看來澹欲無

愷功侍讀惠宣德紙走筆謝之二首

小印分明宣德年南唐西蜀價爭傳儂家自愛陳清欵

不取金花五色牋

宣德貢牋有宣德五年造素馨紙印又有五色粉牋金花五色牋五色大

簾紙磁青紙以陳清欵爲第

一

九万山陰何敢望澄心百幅亦應難從今稍變歐梅例

一首詩湏博一番

歐陽以澄心紙百幅遺梅聖俞聖俞有詩故東坡有詩老囊空不一留百

番曾作百金收之句

戲題陳叔毅桃葉渡江圖小照二首

三生一夢坐多情謫向江湖是酒星桃葉桃根雙姊妹
可堪隨汝作浮萍

詞賦江關漸白頭倩人扶上木蘭舟殷勤聽唱公無渡
不爲風波也合休

再次家荊州兄咏白丁香韻二首

誰教巧手作瓊英四出真從六出爭一夜花光如積雪
誤他啼鳥報天明

買得初從廟市回朱朱白白費疑猜只憑狡猾花兒匠
偷取唐昌玉蕊來

上已後五日再過同園看花賦贈胡翔菴四首
結鄰真喜近斜街步屢尋春又一回五日重來光景換
早花零落晚花開

山桃含笑海棠妍素柰香清亦可憐小雨乍晴晴又雨
今年天是養花天

不用枝頭挂小鈴一羣嬌鳥避楸枰陰滿地花光合
晝靜時聞落子聲

閱盡穠華到晚春客中吾是最閒身却愁有酒無錢買
長累貧官作主人

湯西厓編修寓庭丁香花下作三首

空庭三株樹手植知何人自我見此花已閱十五春
居停幾易主索醉不記巡今來枝逾繁出屋垂縵紛花豈
知我老我衰暗傷神稍欣舊交在白頭尚如新

自昔有土牆界庭分背向何年始撤去樹勢乃張王花
氣下廻廊葉陰通步障旁添一堆石小作攀躋狀遂令
賞花人高出万花上

主人舊善病客子新下第邂逅好花前流連詎失計天
公亦解事雲日薄虧蔽移床坐清陰落蕊時墜髻無酒
不我酷拔釵向誰泥前言戲之耳一笑聊破涕是日不設飲而

余與西厓俱喪偶故及之

題同年汪東山南浦送行圖時余下第將歸

踏歌相送感汪倫潭水桃花記此春指點舊年風雪路

轉憐我是獨歸人

去冬與東山相遇司吾道中騎北上

偕荊州兄過一莖庵飲香林亭下次韻四首

淺草曲徑通林深小亭伏春遊太雜沓摧折到花竹居
僧典守疎鳥雀不勝逐人間逆旅客憔悴無如僕約伴
來何遲悵焉空寓目庶將酒一斗散此愁千斛借問賞
殘紅何如對新綠

亭臺雖無多托致取澹漠尚書別業改

舊為合肥宗伯公所葺香

火付蘭若想當經營初手自種花藥不知幾賓客來此
共酬酢前塵墮空虛餘景就頽落向人如有訴俯仰憐

病鶴

昔與竹垞翁來遊杖頻策花時不暇懶爛醉屢脫幘夕
陽到牆西樹影相枕籍我時齒尚壯詩酒越繩尺飲罷
興尤狂篇終疵互摘而今坐頽廢好友孰稱益賴有白
髮兄依依尚相惜追陪恐無幾出處途已畫

詩社幸見收名場應見斥魚熊古難兼較若辨黑白細
思百年內倏忽駒過隙蟻封看擾擾蟲語聽嘖嘖不如
兩相忘舉殘酌花魄退之言可廢此日胡足惜

再過西厓同元朗無功文子作

宿雨曉初霽不知春淺深落盡枝上花爲君留綠陰竹
廊靜脉脉葉悞虛沉沉此中有幽致何處來鳴禽

無功索題兼葭書屋圖用東坡寄傲軒韻

長髯作螭磔短髯未鶯禿如何葭葦場結此數間屋看
君用意殊瀟洒取遠俗浮名一雞肋小挫詎云辱夜枕
夢江湖晨餐辭輦轂升沉卜諸內奚待再三瀆本非山
澤臞肥遜在上六平生讀書意貪得肯知足傳家十萬
籤直以腹笥蓄歸時展圖畫秋水堪釀綠荒灣一色蘆
老圃百年木相尋知有處把卷吾已熟

題錢朝采設色花

眼見春歸可奈何一枝花葉自婀娜問他沒骨圖成後
破費胭脂得幾多

廉讓寓齋送春分韻得有字

小時逢春愛花柳逐伴年年開笑口年來年去春復春
不料侵尋成老醜來如東門遇游女去若河橋別良友
明知邂逅兩無端未免依違悵分手鏡中鬢鬢白髮長
上聲門外袞袞紅塵走曹生也是不羈徒爲餓春歸召儕
偶朱櫻紫筍憶鄉味欲致僧厨無一有失路隨余學放
顛得錢賴爾能沽酒有情相對且沈醉万事蒼茫一回
首

與朱悔人京口一別十二年矣今春相見京師

讀其遊匡廬武當兩集喜而有作

丁卯橋西蒜山畔江聲怒走風帆戰雨萍一散十二秋
流落燕中復相見不怪年光逐飛電不怪青袍尚貧賤